



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

5. Baptismo leprosi curati.

urn:nbn:de:hbz:466:1-45686

Niceph. l. 8.
hiſt. Eccl.
cap. 35.
Sozom. l. 2.
c. 7. Bozius
t. 1. l. c. 16.

sunt & maiora, & quæ, dum baptiſmi virtutem oſtenderunt, magnas Chriſto animas lucrata ſunt. Nam, eſſi alij aliter hanc hiſtoriam referant, ſunt tamen etiam qui affirmant, Tyridatem Armeniæ regem, imperante Constantino, Chriſtum hac occasione ſecutum. Poſtquam enim variè Chriſtianos vexavit, tempore Diocletiani, viſus eſt ſibi cum multis ſuorum in porcum mutari. Agnoſcebantur præſtigie & ſpectra, ſed nulla erat ars, quæ ab eis regem cum ſuis liberaret. Solus Gregorius Thaumaturgus eum cum ſuis aſſectis, aquis baptiſmi priſtinæ figuræ & moribus reſtituit. Quo ſigno moti Armeni longè lateq; Chriſti cultum amplexi ſunt. Nicephorus ſic rem narrat: *Cum Gregorius ille, qui miraculis edendis clarus fuit, multa à Teritate propter Chriſtum paſſus, & poſt multas variasq; maloriſpecies, ad quatuordecim annos, foveæ cœnoſæ & caliginofæ incluſus eſſet, Teritates ipſe eius gentis princeps, cum domo ſua tota, & cum optimatibus divino ira vindictam eſt expertus. Ad vitam enim ſimul & formam porcorum redacti ſeipſos deuorabant. Ceterum ex fovea illa extractus D. Gregorius, vno ſigno omnibus Chriſtum colere perſuaſit: & ſuilla forma atq; vita liberatos, inſtitutum noſtræ complecti cœgit, delubra eis conſtruxit, ſacra arcana & myſtica ſacerificij celebravit, & nouis miraculis demones ex ea regione exturbavit. Sunt qui Gregorium unà cum Teritate ad Imperatorem magnū Conſtantinum veniſſe tradunt, eumq; tam miranda & inopinata audientem magnopere latatum eſſe, & Gregorium ipſum totius eius regionis epiſcopum ordinatum eò miſiſſe. Ethiopem lauare poſſe aquam illam, quæ è porcis homines fecit, quis dubitet? Hoc nimirum eſt inter Mundum & Deum diſcrimen; Circe ex hominibus porcos, Chriſtus è porcis homines fecit, hoc eſt, è porcis, humanos & homine dignos mores eſſe iuſſit. Quare & ipſe Teritates tum demum verè eſſe homo cœpit, cum monſtrum eſſe deſijt.*

v.

Quoniam autem ſupra leproſos quoque, inter monſtra numerauimus, quibus nihil eſt immundius, dicendum nunc eſt, hoc etiam pacto multos fuiſſe monſtroſos, vt Deus palam faceret, quanta ſit baptiſmi vis ad animam mundandam, ſi potuit à corpore lepram abſtergere. Nam quemadmodum o-

lini

him Naaman ad Iordanem missus & gentilissimi errorem ex animo, & lepræ fœditatem ex cute exterminavit; ita multi postquam sacro se fonte tingi passi sunt, etiam corpore esse luridi desierunt. Sic S. Gaugericus Episcopus Cameracensis obuium peccatorem lepra punitum, ubi meliora doctum ablegavit ad sacerdotem baptismo imbuendum, duplici morbo curauit. Vnâ enim & interioris, & exterioris hominis squallor ablutus est. Sic Arnulphus Metensis episcopus mendicum victum & amictum petentem, cum lepra esset coopertus, etiam sanitate donauit, quando eum, sacra vnda, qua nondum erat lustratus, perfudit. Quæ illustria sunt documenta, morbos aliquando immitti, vt medicus ametur, cuius tam salutaris est medicina.

Verum nihil illustrius potest esse, quàm quod de Constantino Magno fertur, eum vtique non alia de causa fœdo lepræ morbo contaminatum, quàm vt à Christi medicina, etiam animæ pharmacum acciperet. Ad quod illi profuit innata pietas. Medicis enim balneum crudelitatis præscribentibus, dicentibusq; , sanguinem cæsorû infantium præfens huic malo esse remedium; auersatus hanc immanitatem, maluit ipse ægrôtare, quàm alios sui sanandi causa occidi. Quare dignus fuit, vt de cælo manus medica illi porrigeretur. Operæ pretium est, historiam ab alijs quidem compluribus perstrictam, sicut à S. Hadriano Pont. in epist. ad Constantinum & Irenen Augustos missa, & secundo Concilio Nicæno intexta narratur, huc apponere. Cùm aliquando Constantinus Imperator per noctem somnum caperet, ecce B. Apostoli Petrus & Paulus dormienti astiterunt dicentes: *Quandoquidem sanguinis effusionem horruisti, missi sumus à Christo IESU Domino, dare tibi sanitatis recuperanda consilium: audi ergo monita nostra, & fac omnia quæcumq; indicabimus tibi. Siluester Episcopus ciuitatis Romana, ad montem Soracte persecutiones tuas fugiens, in cauernis petrarum eum suis clericis latitat. Hunc cum ad te adduxeris, ipse tibi piscinam ostendet, in quam dum tertio merserit, omnis te valetudo deseret lepra. Quod dum factum fuerit, hanc vicissitudinem Saluatori tuo compensa, vt omnes, inssu tuo per orbem totum Romanum*

Ecclesia

4. Reg. 9

Sur. II. Augusti Ioan. Melan. in Natalib. SS. Belgij. Sur. 16. Augusti.

VI.

Zonaras. t. 33. Niceph. lib. 7. hist. Eccl. cap. 33. Baron. An. 324. Sur. in vita S. Siluestri. 30. Decemb.